

## Tafsiira Suuratu Luqmaan-Kutaa 3

### Description

#### Badhaasa warra amananii fi hojii gaggaarii hojjatanii

إِنَّ الَّذِينَ ءَامَنُوا وَعَمِلُوا الصَّلَحَاتِ لَهُمْ جَنَاحُ النَّعِيمِ  
خَالِدِينَ فِيهَا وَعْدَ اللَّهِ حَقًّا وَهُوَ الْعَزِيزُ الْحَكِيمُ

â€œDhugumatti, warri amananii fi hojii gaggaarii hojjatan, isaaniif Jannatoota qananiitu jira. Isaan achi keessa yeroo hunda turu. [Kuni] waadaa Rabbii haqa taâ€™eedha. Inni Injifataa, Ogeessaa.â€ Suuratu Luqmaan 31:8-9

Rabbiin subhaanahu wa taâ€™aalaa adabbii warra Aakhiratti hin amannee fi aaya Isaatti qoosan erga dubbate booda, badhaasa warra amananii fi hojii gaggaarii hojjatanii dubbate. Iimaanni bakki isaa qalbiidha. â€œwarri amananiiâ€ Kana jechuun wanta itti amanuun dirqama taâ€™etti amanan. Akkuma Rasuulli (SAW) jedhan wanti dirqama taâ€™e kuni: arkaana jahanii. Isaanis: Rabbiitti, malaykoota Isaatti, kitaabban Isaatti, Ergamtoota Isaatti, Guyyaa Aakhiraatti fi qadaratti amanuudha. â€œhojii gaggaarii hojjatanâ€ hojiin gaariin wanta ulaagaalee lama hammate hundadha. Ulaagaaleen kunis: Rabbiif hojii qulqulleessu (Ikhlaasa) fi Rasuula (SAW) hordofuudha.

â€œisaaniif Jannattoota qananiitu jira.â€ â€œJannattootaâ€ cheddumminna Jannataati. Gosootaa fi sadarkaa baayâ€™ee waan qabduuf Jannattoota jedhamuun maqaa hedдуминаати waamamte. Akka lugaatti Jannata jechuun ashaakilti mukkeen baayâ€™ee of keessa qabduudha. Jannata jedhamuun kan waamamteef nama ishii keessa jiru waan haguugdufi.

Jannanii muttaqoonni (warri Rabbiin sodaatan) waadaa galaman immoo ganda Rabbiin warra Isatti amananii fi sodaataniif qopheessedha. Jannata keessa wanta ijji hin argine, gurri hin dhageenyee fi qalbii nاما irra hin qaxxaamurretu jira. Tuni Jannata Rabbiin muttaqootaaf qopheessedha.

â€œJannattoota qananiituâ€ Qananiin jecha wali galaa gammachuu qalbii fi mijaaâ€™inna qaamaa hammattuudha. Namni Jannata keessatti keessaalaan ni qananifama. Garuu addunyaa keessatti dhimmoonni lamaan bakka tokkotti walitti hin dhufan. Yeroo baayâ€™ee namni qaamni isaa qananiâ€™e qalbiin isaa gaddaa fi adabbiin dhiphatti. Rabbiin nu haa tiksuti, namoota keessaanama qaamni fi qalbiin isaa dararamutu jira. Garuu warri Jannataa Rabbiin gammachuu qalbii fi mijaaâ€™inna qaamaa bakka tokkotti isaaniif godhe.

â€œIsaan achi keessa yeroo hunda turuâ€ Kana jechuun Jannata keessa zalaalami jiraatu. â€œ[Kuni] waadaa Rabbii haqa taâ€™eedha.â€ kana jechuun Rabbiin waadaa haqaa shakkii fi diiggaan keessa hin jirre isaaniif seene. [1] Guyyaa Murtii Jannata akka isaan seensisuu Rabbiin waadaa haqaa isaaniif seene jira. Rabbiin subhaanahu wa taâ€™aalaa dhugummaa fi dandeettin Isaa guutuu waan taâ€™aniif waadaa Isaa hin diigu. Waadaa diigun karaa lamaan dhufa:

**1ffaa-**Takkaa namni waadaa seene kijibaa taâ€™uu. Inni dhugaa hin dubbatu.

**2ffaa-**Takkaa immoo inni dhugaa dubbata garuu wanta waadaa galee guutuu irraa ni dadhaba.

Dhimmoonni lamaan kунииin Rabbii oltaâ€™aa irraa kan dhabamaniidha. Inni kijiba irraa qulqulluudha. Dadhabinna irraayyis qulqulluudha. Kijibaa fi dadhabbinna irraa qulqulluu erga taâ€™ee, dhugummaa fi dandeettin Isaa guutuu taâ€™uu qabaa jechuudha. Kanaafu, wanti Inni waadaa gale ni mirkanaaâ€™a [2]

â€œInni Injifataa, Ogeessaa.â€ Rabbiin subhaanahu wa taâ€™aalaa aayaata tanniin maqaalee Isaa keessaa maqaalee lama gurguddaa waadaa Isaatiin walitti galaniin goloobe.

Injifataa: kana jechuun Abbaa Humnaa Injifataa hin mooâ€™atamne, hanga fedhe haa guddatu wanta fedhe bakkaan gahuu irraa homtu kan Isa hin dadhabsiifnedha. Kanaafu, waadaa Isaa hojii irra oolchu irraa homtu Isa hin dhoowwu.

â€œOgeessaaâ€ kana jechuun wanta hundaa haala sirrii taâ€™een bakka isaaf malu Kan kaaâ€™udha. [3]

## Wantoota Dandeetti Rabbii olâ€™aanaa Agarsiisan Keessaa:

خَلَقَ السَّمَوَاتِ بِغَيْرِ عَمَدٍ تَرْوَنَهَا وَالْقَنَى فِي الْأَرْضِ رَوَسِيَ أَنْ تَمِيدَ  
 بِكُمْ وَبَثَّ فِيهَا مِنْ كُلِّ دَابَّةٍ وَأَنْزَلَنَا مِنَ السَّمَاءِ مَاءً فَانْبَثَنَا فِيهَا مِنْ  
 كُلِّ زَوْجٍ كَرِيمٍ

â€œ[Rabbitiin] samiiwwan utubaalee argitaniin malee uume. Akka isiniin hin sochoonef gaarreen gadi dhaabbatoo dachii keessa kaaâ€™e. Lubbu-qabeenyi hunda irraa ishii (dachii) keessa facaase. Bishaanis samii irraa buufnee biqiltoota gosoota gaggaarii hunda irraa ishii keessatti magarsine.â€

- Suuratu Luqmaan 31:10

Aayah tana keessatti guddinna dandeetti Rabbii oltaâ€™aa wantoota agarsiisan garii dubbata.

â€œ[Rabbitiin] samiiwwan utubaalee argitaniin malee uume.â€ Kana jechuun samii torban garmalee gurguddatan kanniin utubaalee malee uume. Samiin utubaa ittiin dhaabbattu hin qabdu. Osoo utubaa qabaatte, silaa ni mulâ€™ataa ture. Garuu samiin dandeetti Rabbitiin bakka ofiitti qabamtee tasgabboofte.

وَيُمْسِكُ السَّمَاةَ أَنْ تَقَعَ عَلَى الْأَرْضِ إِلَّا بِإِذْنِهِ ﴿٤﴾

â€œAkka dachii irratti hin kufne samii ni qaba, hayyama Isaatiin yoo taâ€™e malee.â€ Suuratu Al-Hajj 22:65

â€œAkka isiniin hin sochoonef gaarreen gadi dhaabatoo dachii keessa kaaâ€™eâ€ Kana jechuun akka dachiin isiniin hin kirkirre gaarreen gurguddoo gadi dhaabatoo taâ€™an dachii keessatti gadi dhaabe. Osoo gaarreen gurguddoon kunniin jiraachu baatanii silaa dachiin hin tasgabbooftu turt. Sababni isaas, dachiin gara hundaan bishaaniin tan marfameedha. Wanti tokko bishaan keessa yommuu kaaâ€™amu ni sochaâ€™a, ni kirkira. Kuni shakkii hin qabu. Kuni ergaakkana taâ€™e wanti madaala isaa eegu jiraachu qaba. Wanti kunis gaarreeni. Rabbiin subhaanahu wa taâ€™aalaa akka namootaan hin sochoone dachii keessa gaarreen kaaâ€™e [4]

â€œLubbu-qabeenyi hunda irraa ishii (dachii) keessa facaase.â€ Kana jechuun gosoota lubbu-qabeenyi hunda dachii keessa bittineesse. Lubbu-qabeenyi kanniin dachii keessa erga facaase booda sooranni ittiin jiraatan isaaniif ni barbaachisa. Kanaafu, samii irraa bishaan barakaa qabuu buuse.

â€œbiqiltoota gosoota gaggaarii hunda irraa ishii keessatti magarsineâ€ Kana jechuun gosoota biqiltoota hunda irraa ijaan yommuu ilaalan kan bareedanii fi faayda qaban biqilchene. [5]

هَذَا خَلْقُ اللَّهِ فَأَرُوْفٌ مَاذَا خَلَقَ الَّذِينَ مِنْ دُونِهِ، بَلْ

الظَّالِمُونَ فِي ضَلَالٍ مُّبِينٍ

11

â€œKuni uumama Rabbiiti. Kanneen Isaa gadi jiran wanta isaan uuman mee natti agarsiisaa. Dhugumatti, zaalimoonni jallinna ifa galaa keessa jiru.â€ Suuratu Luqmaan 31:11

â€œKuni uumama Rabbiiti.â€ Kana jechuun samiiwan utubaa malee umuun, gaarreen dachii keessatti dhaabun, lubbuu qabeenyi facaasun, bishaan samii irraa buusu fi bishaan kanaan biqiltoota biqilchuun wantoota Rabbiin qofti uumeda. Hanga mushrikootaan gahuutti kana namni hundu ni amana. â€œKanneen Isaa gadi jiran wanta isaan uuman mee natti agarsiisaa.â€ Kana jechuun wanta warri isin Rabbiin waliin gabbaran uuman mee natti agarsiisaa. Sanamoonni isin Rabbii gaditti gabbaran wanta uuman qabuu? Waliyyin ykn uumamni biraa isin waaqefattanii fi faarsitan wanta uuman qabuu? Kanarratti hundaaâ€™e akkuma Rabbiin uumee isaaniis uumu qabu, akkuma Inni rizqii kenu issaaniis rizqii kenu qabu. Ibaada haqa godhachu ilaachise wanti isin odeessitan sirrii akka taâ€™uuf kana irraa yoo waa qabaatan mee natti agarsiisaa?

Akkuma beekkamu, Rabbiin ala Khaaliqui jiraachu hin dandaâ€™u. Kanaafu, Isa waliin wanti biraa gabbaramuun hin taâ€™u. Sababni isaas, Khaaliqui Rabbiin malee akka hin jirre erga mirkaneessitanii, Rabbiin malee gabbaramaan akka hin jirre mirkaneessuun isin irraa eeggama. Akkuma Gooftummaa

mirkaneessitan, uluuhiyyah mirkaneessunis dirqama.

Dubbiin ergaakkana taâ€™ee, Rabbiin ala wanta biraababaruun (waaqefachuun) beekumsa maleedha. Inumaa wallaalummaa fi jallinna irraa kan maddeedha. Kanaafiakkana jedha: â€œ**Dhugumatti, zaalimoonni jallinna ifa galaa keessa jiru.**â€ Kana jechuun mushrikoonni yommuu Khaaliqa soorata namaaf kenuu fi dhimmoota hunda tooâ€™atu gabbaruu dhiisanii wanta nama hin miine, hin fayyanne, hin ajjeesnee fi hin kaasne gabbaran jallina ifa bahaa keessa jiru.[\[6\]](#)

**Samiiwwan utubaa malee uumuun, dachii keessatti gaarren gadi dhaabun, dachii keessa lubbu qabeenyi facaasun, samii irraa bishaan buusu fi biqiltoota biqilchuun uumama Rabbiiti.**

Sanamoonni, waliyyin ykn uumamtoonni  
biroo kan namoonni Rabbii gadiitti  
gabbaran (waaqefatan) kana irraa wanta  
uuman qabuu?

**Yoo qabaatan  
mee natti  
agarsiisaa.**

**Wanti isaan  
uuman hin  
jiru.**

Kanaafu, wanta homaa  
hin uumne gabbaruun  
(waaqefachuun)  
wallaalummaa fi  
jallinna ifa baheedha.

Namni Rabbiin ala  
wanta bira  
waaqefatu zaalima.  
Sababni isaas, nafsee  
isaa adabbii  
Rabbiitiif saaxila.

### Kitaabban wabii:

- [1] Tafsiir Xabarii-18/542
- [2] Tafsiiru Qurâ€™aanil Kariim-Suuratu Luqmaan, Ibn Useymiin- fuula 45-48
- [3] Maâ€™aariju Tafakkuri wa daqaaâ€™iqu tadabburi-11/698
- [4] Tafsiiru Qurâ€™aanil Kariim-Suuratu Luqmaan, Ibn Useymiin- fuula 56, Tafsiir Saâ€™dii-760
- [5] Tafsiir Saâ€™dii-760[\[6\]](#) Maddoota olii

### Date Created

October 5, 2020

### Author

admin